

სსიპ
საქართველოს ტექნიკური უნივერსიტეტი
ბრძანება
თბილისი
07.08. 2014 № 147

სამაგისტრო პროგრამებზე ჩარიცხვის შესახებ

“სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ” საქართველოს განათლებისა და მეცნიერების მინისტრის 2009 წლის 22 აპრილის №227 ბრძანების და სტუ-ს წესდების საფუძველზე საქართველოს ტექნიკურ უნივერსიტეტში 2014-2015 სასწავლო წელს სამაგისტრო პროგრამებზე ჩარიცხვის პროცესის ორგანიზებულად ჩატარების მიზნით

ვ ბ რ ძ ა ნ ე ბ ა:

1. სამაგისტრო პროგრამებზე ჩარიცხვის პროცესის წარმართვა დაევალოს სტუ-ს სწავლების დეპარტამენტის უფროსს ი.ლომიძეს;
2. საქართველოს ტექნიკური უნივერსიტეტის სამაგისტრო საგანმანათლებლო პროგრამებზე ჩარიცხვის მსურველთა განცხადებების მიღება განხორციელდეს საფაკულტეტო ბრძანებით შექმნილი საბუთების მიმღები კომისიების მიერ 2014 წლის პირველი სექტემბრიდან 10 სექტემბრის ჩათვლით;
3. დაევალოს მაგისტრატურაში საბუთების მიმღები საფაკულტეტო კომისიების თავმჯდომარეებს, უზრუნველყონ ფაკულტეტების მიხედვით ყოველდღე 10⁰⁰ საათიდან 16⁰⁰ საათამდე, კვირის გარდა, ჩარიცხვის მსურველთა განცხადებების და თანდართული საბუთების მიღება და მათთვის საჭირო ინფორმაციის მიწოდება (იხილე დანართი) ;
4. განცხადებების რეგისტრაცია, არსებული წესის თანახმად, დაევალოს სტუ-ს კანცელარიის უფროსს ე. ოხანაშვილს;
5. კონტროლი ბრძანების შესრულებაზე დაევალოს რექტორის მოადგილეს სასწავლო დარგში ლ.კლიმიაშვილს;
6. ბრძანება გამოიკრას უნივერსიტეტის ადმინისტრაციულ კორპუსში და ფაკულტეტებზე თვალსაჩინო ადგილას და განთავსდეს სტუ-ს ვებგვერდზე.

რექტორი

ა.ფრანგიშვილი

ვიზები:

რექტორის მოადგილე სასწავლო
დარგში ლ.კლიმიაშვილი

სწავლების დეპარტამენტის
უფროსი ი.ლომიძე

იურიდიული დეპარტამენტის
უფროსი ბ.მაისურამე

მაგისტრატურაში ჩარიცხვის მსურველთა მიერ წარმოსადგენი საბუთები:

1. განცხადება რექტორის სახელზე ფაკულტეტისა და სამაგისტრო პროგრამის მითითებით;
2. პირადობის მოწმობა და მისი ასლი;
3. აკადემიური უმაღლესი განათლების დამადასტურებელი დოკუმენტი - დიპლომი ან კვალიფიკაციის დამადასტურებელი სხვა დოკუმენტი და მათი ასლები;
4. ფოტოსურათი 4 ცალი, ზომით 3 x4 სმ;
5. მიწერის მოწმობა და მისი ასლი, ან სამხედრო ბილეთი და მისი ასლი (სამხედრო ვალდებულთათვის);
6. მაგისტრანტობის კანდიდატის მიერ სამაგისტრო გამოცდებზე მიღებული ქულების ამონაბეჭდი გამოცდების ეროვნული ცენტრის საიტიდან (www.naec.ge);
7. თი-ბი-სი ბანკის რომელიმე ფილიალში გადახდილი 15 - ლარიანი ქვითარი.

ზემოჩამოთვლილი დოკუმენტების არასრულად წარმოდგენის შემთხვევაში აპლიკანტის განცხადება არ მიიღება. საბუთების პირველადი შემოწმება ხდება შესაბამისი ფაკულტეტის დეკანატში. შემოწმების შემდეგ საბუთების დედნები უბრუნდება წარმომდგენს.

დეკანატის მიერ ვიზირებულ განცხადებას, საბუთებთან ერთად, აპლიკანტი აბარებს სტუ-ს კანცელარიას;

სტუ-ს სამაგისტრო პროგრამებზე კონკურსში მონაწილეობის უფლება აქვს აპლიკანტს, რომელსაც საერთო სამაგისტრო გამოცდის ტესტის ოთხი ნაწილიდან რომელიმე სამ ნაწილში მაინც გადალახული აქვს დადგენილი მინიმალური კომპეტენციის ზღვარი, ანუ მითითებულ ზღვარზე მეტი ქულა აქვს მიღებული;

საერთო სამაგისტრო გამოცდების ტესტების მინიმალური კომპეტენციის ზღვარი შეადგენს:

- წაკითხულის გააზრება - 6.9 ქულა
- ანალიტიკური წერა - 6.0 ქულა
- ლოგიკური მსჯელობა - 5.1 ქულა
- რაოდენობრივი მსჯელობა - 5,0 ქულა

მინიმალური კომპეტენციის ზღვარი გადალახულია:

- წაკითხულის გააზრება - 7,0 ქულა
- ანალიტიკური წერა - 7.0 ქულა
- ლოგიკური მსჯელობა - 5.2 ქულა
- რაოდენობრივი მსჯელობა - 5,2 ქულა

აპლიკანტმა უნდა ჩააბაროს სასპეციალიზაციო გამოცდა შესაბამის საგანში. საგამოცდო ფურცელში, რომელიც გაიცემა ფაკულტეტებზე, მითითებულია

გამოცდის თარიღი და ადგილი. კონსულტაციები სასპეციალიზაციო გამოცდებისათვის ჩატარდება შესაბამისი ფაკულტეტების დეპარტამენტებში.

სამაგისტრო პროგრამებზე ჩარიცხვის უფლების მოსაპოვებლად აპლიკანტმა სასპეციალიზაციო გამოცდაში ასევე უნდა გადალახოს მინიმალური კომპეტენციის ზღვარი.

სასპეციალიზაციო გამოცდისათვის მინიმალური კომპეტენციის ზღვარი ყველა სამაგისტრო პროგრამაზე არის 31 ქულა (შესაძლო მაქსიმალური 100 ქულიდან), მინიჭებული კოეფიციენტი - 65.